











烈祖成績卷之十九 起元和元年  
終其年五月

安積覺 編次

神和元年乙卯正月朔。神祖在二條城。大將軍在岡山行營。

創業記元  
寬日錄 二日。以行營兵寡。命松平忠明本多忠政移陣于

岡山東。創業記 三日。侍從宗對馬守義智卒。年四十八。子彥七

郎義成嗣。宗系圖義成襲  
任侍從對馬守 是日。神祖發京師還駿府。沿路放

鷹。九日。至岡崎。家忠日記作八日。今  
從創業記駿府記 淹留十日。以聞填濠之

報。是日。大將軍以安藤正次佐久間政實為使。告填塞濠。斬

其功將成。十一日。大將軍召蜂須賀至鎮於行營。賜書及順

慶左文字刀。授松平氏以賞其軍功。賜稻田宗心林道感黃

烈祖成績 卷十九



金一百兩。稻田示植書及長光刀。其子植次書及延壽刀。山田織部。樋口内藏助。森甚五兵衛。森甚大夫。巖田七左衛門。書及衣服。佐竹義宣之臣梅津憲忠書及信國刀。大塚資卿。黑澤道家書及衣服。以賞其戰功。家忠日記慶元記難波戰記松榮紀事十六日。尾張宰相義直。遠江宰相賴宣。自天王寺營入京師。創業記駿府十七日。大將軍賜上杉景勝之臣水原親憲。隅田大炊。鐵孫左衛門書及衣服。佐竹義宣之臣戶村義國書及真次刀。賞志貴野今福之戰功。家忠日記松榮紀事十九日。大將軍發行營入伏見城。留本多正純。安藤重信於大阪。監填濠塹。是日。神祖出岡崎。放鷹。良二十四日。大將軍自伏見入二條城。二十



七日入朝。年譜創業記駿府越前少將忠直弟伊豫守忠昌叙從四位下。為侍從。家忠日記雜錄酒井萬千代忠行任阿波守。雅樂頭忠世子。松平乘壽任和泉守。松平忠晴任伊賀守。秋田東太郎俊季任伊豆守。城介實季子後更河内守大田新六郎資宗任攝津守。新即重政子。後更備中守。致仕號道顯。並叙從五位下。家忠日記松榮紀事二十八日。大將軍發京師。凱旋江府。年譜創業記駿府神祖至中泉。留數日。是日。大將軍以內藤右衛門為使。至中泉。告大阪濠塹填塞功竣。使諸州侯伯皆就藩。二月朔。本多正純自大阪來中泉。白毀大阪羅城樓櫓石壁。駿府記松榮紀事四日。大將軍入名護屋城。先是。義直賴宣各歸其藩。以待大將軍駕到。至是大將軍



賜義直長光刀則國短刀。義直獻長光大刀來國吉短刀。家忠

日是日。故池田輝政夫人良照院患痘卒。駿府記家忠日

日。大將軍至中泉謁神祖。本多正純父子侍坐。酒井忠世。土

井利勝。本多正重。安藤重信。水野忠元。井上正就。神尾守世。

青山忠俊。小山長門守等七十餘人謁見。神祖勞之。日午。大

將軍發中泉。至懸川。十四日。神祖還駿府城。年譜創業記駿府記家忠日記

是日。大將軍還江戶城。松榮二十二日。岡山城主松平左衛

門督忠繼患痘卒。時年十七。神祖甚悼惜之。家忠日記作二十三日。今從駿

府記松榮是日。召井伊直孝於駿府。命曰。汝兄右近大夫廢疾。

不堪繼直政之家。今以汝為嗣。宜掌軍務。直孝以弟越兄。其

心不安。就安藤直次固辭再三。不允。割直政舊封上野安中

采邑三萬石賜直勝。授佐和山城於直孝。食二十萬石。以旌

其軍功。家忠日記三月五日。前侍從伊賀守筒井定次及其

子順定。以通欵于大阪。竝賜死。和州諸將軍傳十四日。加納城主奧

平美作守信昌卒。年六十一。家忠十五日。秀賴以青木一重

為使。難波戰記作伊藤丹後守舉一說曰。或云青木大虞院

使大藏卿二位局正永尼從常高院來于駿府。賀台駕無恙

還駿府曰。去年兵革。河攝二州之民悉迸散。田畝荒廢。無以

養大阪士卒。願熟計之。神祖謂大藏卿二位局正永尼曰。尾

州宰相婚期在近。余欲往尾州。三媪宜先往尾州以待余。且



關東婦女不閑禮儀媪等相之。或余亦自尾州徑往京師。檢  
 察二州民業。以施政令。民部少輔亦當往尾州以侍命。先是  
 大阪和親成。大虞院大喜。設申樂。作舞曲。以娛士女。然無割  
 與將士之地。故舊臣客將皆不喜。勸秀賴再舉兵。大言曰。去  
 年東軍五十萬環而攻之。不能克而解去。東軍再至。何畏之  
 有。今雖無塹壘。而出兵郊外。一戰決雌雄。茂不勝矣。秀賴惑  
 之。又名募兵士。山林潛蟄之士。京畿亡賴之徒。應募來集。幾  
 十五萬人。松榮紀事。○大阪記舉城兵之數曰。真田左衛門  
 佐一萬二千。毛利豐前守一萬。長曾我部宮內少  
 輔一萬。後藤又兵衛一萬。明石掃部一萬。寄合組一萬。木村  
 長門守一萬。大野修理一萬五千。主馬一萬。道見八千。麾下  
 及七隊二萬三千五百騎。總十二萬八千五百騎。去年城  
 守七萬五千。今增五萬餘兵。蓋松榮紀事舉其大數也。神

祖聞之曰。弱兵齎集。取敗之道也。不必禁之。

德川記慶元記  
難波戰記松榮

紀事織田雲生寺請為大將。總督諸軍。城將衆議不一。雲生寺

愠曰。吾為信長之姪。指麾諸軍。有何不可。遂出城奔京師。冬

事記時京師流言。大阪城兵將燒街市。皆大恐。欲奔醍醐鞍馬

愛宕高雄山寺以辟兵。或曰。縱大阪之兵陷京師。不敢犯禁

闕必矣。市人爭搬資財於禁廷仙洞。其妻孥于公卿第宅。東

西奔走。不可復禁。至是神祖聞其騷擾。使井伊直孝松平忠

明本多忠政警衛京師。藤堂高虎據淀故城。按驗往來。松平

定勝守伏見城。德川記慶元記難波戰記冬夏事記松榮紀  
事○高虎行狀曰。時秀賴有火京師之謀。高

虎急據淀城。而使敵兵不能往來京師。大阪之間。由是京師免祝融之災。是月。使內藤信政守尼



崎城三宅康信其子康盛仁賀保兵庫頭舉誠警衛淀城家忠

日記松榮紀事增安藤正次采邑五百石家忠日記驚峯文集安藤正次碑是春民

間有蹋歌其原起自伊勢流行諸國謂之伊勢蹋歌所在群

集奔波謹噪日甚遂至駿府神祖惡其惑民命彦阪光正禁

之德川記難波戰四月四日神祖發駿府水戶少將賴房留

守如故年譜創業記家忠日五日秀賴率大野治長木村重

成渡邊尚以下諸將七隊長及真田信仍長曾我部盛親毛

利勝永後藤年房等自船場至天王寺岡山登茶白山樹旗

鼓整軍容按視戰場廣狹險易大阪記係四月十八日難波

五日按東軍諸將既通畿内秀賴不九日神祖至名護屋留

應至五月出城按行今從冬夏事記

四日板倉勝重數報大阪反計益彰神祖下令又征大阪年譜

創業記駿府記家忠日記難波戰記是夜城將大野治長議軍事畢過櫻門俄

有賊暗中刺治長東走治長欲追之被傷不能行治長從士

追擊斬賊不殊賊回走過本路從士平山内記扶治長而歸

覲面遇賊立斬之治長擊殺之翌日檢屍大野治房所部成

田勘兵衛之謀者也治房欲禽勘兵衛治之勘兵衛走歸其

家縱火自殺竟不知其所由自是城兵互相猜疑駿府記德川記慶元

事記松榮紀事

臣按園太曆觀應二年五月四日夜桃井右馬頭直常自

足利直義第歸家有人突出刺之直常衷甲故不傷立捕



之竟不知其所由。此與大野治長事頗相類也。

十日神祖召常高院及大阪三媪青木一重曰。余聞秀賴又集兵圖不軌。將燒京洛。故人心凶懼。不保旦夕。余欲不日至

京洛。驗其虛實。於是先使常高院二位局歸大阪。留大藏卿

正永尼及一重於京師。是日大將軍將兵發江府。駿府記。德川記。慶元

記。難波戰記。冬夏事。記。松榮紀事。世子及國松麻呂留守。松平下野守忠卿。

蒲生飛驒守秀行。子。神祖外孫。鳥居忠政。奧平忠昌。內藤政長。酒井重忠。竝

受留寄之任。福島正則。平野長泰。留在江府。難波戰記。○冬夏事。記。曰。時或

傳。神祖不待大將軍之至。以畿內中國之兵攻城。大將軍大驚。數賜書於本多上野介藤堂和泉守。請于神祖。以俟。駕至。

十二日。尾張宰相義直娶故淺野左京大夫幸長之女。是夜

禮成。十三日。神祖入城賀之。年譜。創業記。駿府記。家忠日記。是日。織田有樂

及其子尚長。自大阪來謁。○按武藏守尚長。先是為質出城。城中乎。未詳。冬夏事。記。曰。有樂。正月。出城。奔京師。附以備考。有樂言曰。大阪諸將。分為三

協。七隊長。後藤又兵衛為一協。大野修理亮領之。真田左衛

門佐。明石掃部。渡邊內藏助為一協。木村長門守領之。長曾

我部宮內少輔。森豐前守。仙石宗也為一協。大野主馬領之。

駿府記。松榮紀事。十五日。神祖發名護屋。年譜。創業記。家忠日記。皆係十四日。駿府記。曰。十四

日。雨。延及今。義直將兵出名護屋。駿府記。○按諸書。賴宣卿日。今從之。

書。越後少將忠輝。越前少將忠直。松平利光。松平政宗。上杉

景勝。松平利隆。其弟忠雄。京極忠高。京極高知。最上家親。堀

景勝。松平利隆。其弟忠雄。京極忠高。京極高知。最上家親。堀

堀



尾忠晴森忠政松平至鎮生駒正俊小出吉英有馬豐氏松

平康重細川忠興黑田長政加藤嘉明其餘東西諸將前後

相踵而至難波戰記長政嘉明向大阪據駿府記○諸書十

八日神祖至京師入二條城二十一日大將軍至伏見二十

二日入二條城謁神祖年譜創業記駿府記家忠日記德川

到神祖聞大將軍寡兵入伏見不憚以本多正純為使責之

不許謁見大將軍甚憂之據上諸書翊日謁見此說疑妄故

不取冬夏事記曰神祖謂大將軍曰將以今月二十八日出

師大將軍使藤堂和泉守言于神祖曰加賀越前出羽奧州

之兵未至請延其期神祖曰不然野戰不論兵之多寡雖敵

數萬而我兵有二三千則足矣其日大將軍還伏見翊日又

至二條城面請延期神祖曰如卿所命野戰不用多衆我年

已邁不可復與戎事今段之戰我為前軍大將軍曰秀忠在

此而大人親將前軍則將使秀忠處何地乎請以秀忠為前

軍神祖不聽本多佐渡守進曰臣聞前軍後軍在陣列之先

後大將軍在伏見近於敵城閣下在京師距大阪頗遠則大

將軍為前軍不可復疑閣下之言過矣神祖曰然則以將軍

為前軍佐渡守又曰必以二十八日為期乎神祖曰二十三

日秀賴遣兵一萬餘騎據駿府記寇大和侵掠邑里殺戮居民梓

人中井正次家在法隆寺邑○松榮紀事曰法隆寺邑去年

東軍攻大阪城正次修攻具城中大窘故秀賴惡之燔其家

無少長皆屠之和州諸將軍傳係二十六日城兵陷郡山城

難波戰記及大阪記曰餘燄延及法隆寺堂塔佛閣常高院

悉為灰燼按駿府記法隆寺堂塔以下無恙今從之

二位局往來京師又議和親二十四日神祖使二尼入大阪

城說大虞院曰去年喪亂大阪近縣民庶不能營生業此固

當然然既和親互為盟約則當亟放去客兵而今益召募兵



衆此爲何用耶。兵衆日增。則糧食日耗。終至匱乏。可坐而見也。又聞城兵練習武伎。繕修器械。專爲戰守之備。傳聞四方。皆謂變在旦夕。民不聊生。秀賴固守盟誓。則豈有異圖。然衆心難服。宜姑去大阪。移居郡山。以釋群疑。河攝二州。民散田荒。一二年間。難復其故。權以和州易之。其間修繕大阪城隍。以仍其舊。如此則兩家相和而萬方無事矣。乃遣還大藏卿正永尼於大阪。拘青木一重於京師。不得去。秀賴又召諸將。問和親可否。老臣壯士。所見各異。群議不決。客兵皆以秀賴爲奇貨。僥倖萬一。爭勸戰守。由是和親終破。松榮紀事。○難波戰記曰。秀賴又以伊東丹後守青木民部少輔爲使。言于神祖曰。出大阪城。徙居大和。及逐客兵。決所不能也。若東軍來攻。則當委勝。

敗於天。以決一戰。神祖猶使常高院二位局及二人往來城中。以講和。秀賴不聽。載村越長門守入道道半之說曰。和親不成。神祖使板倉伊賀守幽二人於京師。故今夏之戰。二人不在城中。據駿府家忠日記等書。無秀賴再遣使之事。伊東長次在城中。及城陷歸順。故得與青木一重子孫俱全。難波戰記。七日天王寺之戰。亦載伊東長次與諸將同陳列。一說蓋傳聞之。界津富饒之地。數百年來。不罹兵燹。商賈輻湊。去年東軍據之。形勢甚便。故秀賴欲燒之以困我軍。使大野道見率兵數千寇之。道見縱火燒街市佛寺。衆庶波駭。九鬼守隆向井忠勝。小濱民部少輔等聞之。率舟師至界津。邀其後。放銃發喊。道見不意其至。遂潰走。難波戰記。松榮紀事。時關西諸軍未至。神祖慮敵侵軼。攝西使石川忠總。成高槻城。松平利隆。其弟忠雄。成尼崎西宮。松平康重。岡部長盛。屯丹波以鎮山。



陰道又下令曰。山陰西海二道之兵。須由神崎中島趨大阪。南海道之兵。由泉州來會。京極忠高。京極高知。石川忠總。宜由平瀨森口入大阪。以越後少將忠輝為一面總督。由大和路趨大阪。前軍數部。一軍水野勝成。丹羽氏信。堀直奇。及大和諸將松倉重正。奧田忠次。神保相茂。本多因幡守利長。因幡守利朝子。初稱左京。叙從五位下。襲稱因幡守。別所孫二郎。桑山貞晴。秋山右近。藤堂將監高久。高虎姪。或作良次。松榮紀事作嘉以。蓋良次。訛為嘉以。今從德川記。慶元記。難波戰記。山岡主計頭景次。水野系圖。冬夏事記。作圖書。難波戰記。名作景繁。今從松榮紀事。按道阿彌兄。有主計頭景以。景以疑訛。為景次。然無所考定。多賀左近。村越三十郎。甲斐莊喜右衛門等屬之。二軍本多忠政。其子中務少輔忠刻。甲斐守政朝。及

季子忠義。菅沼定芳。伊勢諸將稻葉淡路守紀通。藏人道一。通子。柳直盛。古田重治。分部光嘉。織田民部少輔屬之。松榮紀事。書信勝。按織田家譜。有二信勝。其一孫十郎。信次。孫隼人。正信勝。永祿二年卒。其一上野介信包。孫刑部大輔信則。子疑。此人也。然寬永十六年。叙從五位下。任上野介。此時三軍。松平忠明。及美濃諸將德永量重。遠藤慶隆。松榮紀事。量重作昌重。慶隆作常利。今從城所友仙考訂。遠山友政等屬之。四軍松平政宗。兵一萬五千。先忠輝而發。總督忠輝將一萬五千騎。部曲村上義明。溝口宣勝。更日為前鋒。德川記。難波戰記。諸將姓名。各有詳略。松榮紀事最詳。今從之。但紀事係二十八日。按二十七日。松倉重正出追。大阪兵。則部分在其前。創業記曰。二十四日。本多美濃守。水野日向守。松平下總守。出屯大和路。今據之。係是日。神祖別名水野勝成。曰。大和路前鋒。最為重任。遍閱譜第將士。



無過汝者。今命汝為前鋒。以大和之兵松倉堀神保別所桑山本多秋山藤堂山岡多賀村越甲斐莊等屬汝部下。以丹羽氏信副汝。須與氏信趨大和口。與前軍藤堂高虎并伊直孝會議進兵。大和部將如有不用命者。須戮一二人以懲其餘。今命汝以將帥之任。須持重以指揮眾軍。慎勿作昔時一本槍之態而輕出健鬪。如忤此命。吾必罰汝。勝成感激而去。水野勝成事記。松榮紀事。淺野長晟將兵八千。發和歌山屯泉州信達。前鋒至佐野。佐野大野治長之采邑。故治長之兵大野彌五左衛門北村善大夫至佐野誘土寇襲長晟之陣。長晟設計禽善大夫。殺彌五左衛門。土寇迸散。家忠日記係十八日。難波戰記不日。冬夏事記係二

十六日。松榮紀事二十四日。今從之。又按家忠日記作大野茂右衛門中村善大夫。慶元記作大野五郎左衛門。今從駿府記。難波戰記。二十六日。大野治長部兵歷膽駒山。寇大和焚郡山城。城主筒井定慶兵寡不能拒。棄城奔其鄉里福須美。

亂平。定慶恥之自殺。德川記。慶元記。難波戰記。冬夏事記。松榮紀事。○和州諸將軍傳曰。大御所附與力三十六人於定慶。與弟紀伊守慶之守郡山城。二十六日。箸尾宮內將兵與大野治房部兵合二千餘人攻郡山城。慶之請據險逆擊。定慶怯懦不能用。棄城走。及定慶自殺。慶之亦自殺。筒井氏絕。水野勝成將趨河州角南。諸書皆作須奈。或須名。國音相通。今從松榮紀事。下效之。陣于長池。聞敵將燒南

都。以為南都為敵所燒則恥也。星夜趨之。敵知其有備不敢侵南都。神祖褒其功。勝成事記。冬夏事記。松榮紀事。大阪城中流言。東兵數萬越大和路而來。薄田兼相并上時利帥兵出于平野。事安



也。故引兵逐。

難波戰記

前軍藤堂高虎移自淀陣于角南築壘壁

以迎台駕。

家忠日記高虎行狀冬夏事記

神祖問攻城之計高虎對曰宜遠

不宜近。屢使輕騎挑戰俟其遠出而擊之則鋒刃之餘皆無

守心矣。神祖拊掌曰子之言若出於我口矣。

高虎行狀

後軍井伊

直孝發伏見。神原康勝本多忠朝發竹田向河內路。

十七日稻葉正成率美濃信濃之兵戍平瀧。

家忠日記

是日敵兵

寇郡山東南南鄉寺田。松倉重正在五條相距七里餘。

諸書

餘里今從常遣謀者覘敵動息謀者告之輕騎輒進。冬夏事記云兵

可七。馳使鄰境諸將報之諸將皆屯法隆寺畏縮不敢出獨

藤堂高久馳從之。奧田忠次出在南都聞重正之報二十八

日率兵赴之敵畏水野勝成在南都見重正之旌旗越國府

而走重正高久忠次追之不及禽步卒六人斬一人上級京

師神祖大將軍褒之。

德川記慶元記難波戰記冬夏事記○山本義安碑曰重正率兵擊走之義安

先馳獲敵首

大野治房聞淺野長晟發和歌山欲乘虛襲紀

州是日將兵二萬出大阪。

松榮紀事作兵三萬龜田大隅事記四萬今從難波戰記冬夏事記

長晟前軍淺野左衛門淺野右近安井喜內岸九兵衛龜田

大隅高綱。

初稱溝口半之允事柴田伊賀守勝豐

上田重安。

主水重安見上文五年八月據難波

戰記此時號宗古神祖褒極井之功使養

兵五千屯佐野與信達相距五十餘町乃議攻戰方略左衛

門欲逆戰于市場野高綱曰此地平行難以寡兵捍大敵不



如去此一里退軍戰於檜井。前有蟻通社。松林中有八町畷。蔽林則敵不能見我兵之多寡。田路狹隘不得並騎。我可以得志。衆從之。左衛門留在市場野。使餘衆退軍於檜井。龜田大隅事。治房進陣于佐野。見長晟前鋒退軍。以為可擊。乃以大野治長部將宮田平七備岸和田城主小出吉英及援軍金森可重平七兵寡。故使楨島昭光父子赤座内膳正去界津授之。大野道見屯界浦為後繼。治房前鋒塙直次率兵三千過大鳥越。出中泉道見燔界津人家。乘此火光闇夜利於行兵。二十九日黎明直次過蟻通社北南向而馳。淡輪六郎兵衛重政為和泉路鄉導。家忠日記松榮紀事曰塙團右衛門長岡監物岡部大學率輕騎一千經八町

畷至檜井今從難波戰記冬夏事記元寬日錄○山口兵内按勇士一言集六郎兵衛作喜兵衛蓋初稱也

兄弟能諳紀州地形。故為前鋒。直次驍將也。岡部則綱常與直次爭勇。夜潛出城。先直次而至。直次忿欲鬪。淡輪重政山田五郎左衛門和解之。則綱直次重政相竝而馳。紀兵欲經八町畷入檜井邑。敵兵遽至。龜田高綱列銃卒五十擊之。大阪大軍不少沮。乘勢競進。高綱退八町畷可二町。又列卒放銃。淺野左衛門單騎來往。指授方略。使長瀧村民可二十人出蟻通社北。詐告林中有伏兵。故直次則綱分兵毆仗。待其至。允豫不進。龜田高綱以下據冬夏事記既而則綱先登陷陣。被創而退。直次與上田重安接槍互傷。是為檜井第一槍。元寬日錄曰團右衛門與



龜田大隅接槍。高綱見重安接戰。馳出檜井河原橫衝之。敵不敢進。重安陣檜井邑後。高綱馳入邑中。與重安合。血戰甚力。淡輪重政深入不能出。淺野左衛門之兵永田次兵衛斬之。獲級。○按直次重政二人碑見在檜井。直次之兵阪田莊二郎與重安相搏。重安幾危。橫江平左衛門來救。僅免。直次左右指麾其鋒甚銳。多胡助左衛門射中之。直次墜馬。八木新左衛門獲其級。駿府記曰。上田宗古斬團右衛門大隅事。記曰。大隅以槍鏃。團右衛門大隅之兵菅原兵左衛門獲其首。二說不同。今從德川記。慶元記難波戰記。冬夏事記。元寬日錄。松榮紀事。紀兵又斬吉田淺右衛門熊谷忠大夫首。藤忠右衛門等。敵不能支。徐引去。龜田高綱出檜井街市之北。以待敵至。敵向安松而去。高綱孤軍不能追。

擊互引兵退。冬夏事記。○難波記事曰。淡輪六郎兵衛塙團其餘相繼突戰。紀兵戰疲少却。敵兵乘勝逐之。淺野長晟聞敵在檜井。進麾下兵。其兵小野慶雲見機。厲衆橫擊之。敵不能進。龜田大隅上田主水安井喜內多胡助左衛門岸九兵衛等還戰。敵敗走。據冬夏事記。岡部大學先是回馬獨退。不復還戰。難波戰記。率多文葉。冬夏事記。俚而近實。慶元記亦云。紀兵欲再戰。聞上冠。邀後軍議不決。日既昃。故歛軍入信達。按長晟從種村肖推寺之諫。不進兵。大野治房在貝塚願詳于下文。故今從二書。不取戰記之說。大野治房在貝塚願泉寺。犒士設宴。不知檜井之戰。聞直次重政敗死。大駭。進兵長岡。監物上條又八御宿政友以下。先至檜井。紀兵既渡檜井河。南向而去。不及。治房至檜井河原。日既晡。紀州險要之地。不能冒進。遂引兵還淺野。長晟聞大阪後軍至檜井河原。欲進擊之。種村肖推寺諫曰。今朝之捷。敵離群而進。事出不



意今與後軍戰其殆不可且聞土寇蠶起不如回軍長晟從  
 之上重安高綱等所獲首十三級於京師冬夏事記大野治房還  
 過岸和田城下小出吉英及援軍金森可重出躡之敵又敗  
 走城兵追擊獲二三十級紀州賊多賀羅兵衛戶津川八藏  
 湊宗左衛門等黨於大阪欲襲和歌山城奪之吉野熊野之  
 賊與之其黨幾二千人浪花戰記作三千人慶元記曰日高  
 有田二邑賊起蓋即吉野熊野地也  
 晦神祖大將軍賜書長晟褒極井之功長晟聞賊起回軍討  
 之分兵二千海陸竝進越鹿瀨蕪阪之險急攻破之斬魁帥  
 二十一人磔其餘宗左衛門出走不知其所之黨與悉平神  
 祖使長晟歸藩鎮之家忠日記德川記慶元記難波戰記元  
 寬日錄松榮紀事○冬夏事記曰長晟

使溝口五左衛門熊澤兵庫長谷川志摩勦秀賴傳聞前月  
 賊克之兵庫手斬魁帥山室鬼介餘黨悉平○難波戰記曰數十  
 人按間謀不宜有許  
 二十八日神祖出師故遣間謀於京師○難波戰記曰數十  
 多人多則易露  
 故不書其數欲候駕出燒京師而神祖誓延不發板倉勝  
 重設計搜索之事發覺勝重皆捕之訊鞫賊自首古田織部  
 正茶道木村宗喜實為謀首○髡首專掌茶事  
 者俗謂之茶道五月朔拘古  
 田重然捕宗喜及其黨訊鞫之家忠日記慶元記難波戰記  
 大阪記並曰誅宗喜據駿府  
 記宗喜被戮在下文故不取○冬夏事記曰四月六日僑人  
 戶田八郎右衛門稱復兄讐殺江州代管鈴木左馬助於日  
 野岡奔三井寺檢夾箱中有大阪密書板倉伊賀守上之二  
 條城推究甚急左馬助婦翁古田織部連坐捕織部茶道木  
 村宗喜得黨與二十餘人下獄此又一說也浪花戰記曰市  
 人來告有異色人匿于神泉苑板倉勝重遣吏卒捕十六人  
 鞫問之賊自首曰宗喜三日神祖使松平定勝移自伏見守二  
 喜之黨也故逮捕之



條城。家忠日記小笠原政信守伏見城。松尾小笠原系圖水野勝成

出南都陣于法隆寺。家忠日記先是細川忠興請為前鋒。帥

近臣及弓銃手發小倉。由水路急趨大阪。其子忠利帥步騎

一萬餘人。進自陸路。是日忠興舟至攝州花熊。神祖許以前

鋒。然以見兵寡少。併于藤堂高虎之軍。細川家傳錄四日大將軍

召水野勝成。賜黃金五十枚以勞之。家忠日記勝成是日神

祖大將軍召上杉景勝於二條城。命曰。京師根本之地也。訖

大阪城陷。卿須屯八幡。檢平瀉河內路往來以警衛京師。冬夏

事五日神祖將兵一萬五千騎發二條城。至河州星田。莊田

小左衛門為旗奉行。○難波戰記浪花戰記。並曰。旌旗七旒。金扇銀瓢大小馬標各一。大樹寺僧登

譽所書吉例之旗。藏匣齋之。尾張宰相義直騎士一萬五千。神祖准致仕。故示謙遜。如此。

成瀨正成竹腰政次為前鋒。遠江宰相賴宣騎士一萬。安藤

直次水野重仲為前鋒。義直賴宣朔衛親軍。年譜創業記。家忠日記。德川記。

慶元記。難波戰記。冬夏事記。神祖及令諸軍齋三日糧。自給

甚薄。難波戰記曰。神祖召厨人松下常慶齋白粲五升。乾魚

素能。慣戰陣。松榮紀事曰。神祖聞後藤薄田出大路。木村

山口長曾我部出河內路。輒發軍曰。戰既勝矣。命裏三日糧。

按此即與下文明日神祖答大將軍之使。久貝淺野長晟屯

山口以勦寇賊。獲三十餘人。斬之於川鍋。上其級。德川細川

忠興至淀。中路謁神祖。神祖停輿。召本多正純曰。我嘗謂忠

興先衆而來。今果然矣。細川家傳錄是日大將軍將兵發伏見。波



戰記係三日據駿府記初卜三日延至今日年譜創土井利業記德川記冬夏事記松榮紀事皆係五日今從之

勝將左軍佐久間安政其弟勝之堀親良高力正房溝口善勝由良貞繁堀淡路守直重等屬之直重丹後守直奇弟總一萬酒井

忠世將右軍細川興元北條氏重鳥井成次杉原長房新莊直定土方雄重脇阪主水正安信等屬之安信淡路守安元弟總一萬

本多正信松平忠昌立花宗茂其弟直次本多忠純前田利孝日根野吉明秋元富朝菅谷左衛門範貞及那須由利蘆

田津金武川之兵總一萬五千餘騎次之大番六隊騎將阿部正次內藤大和守重賴修理亮清成孫百助正勝子初稱彌三郎任若狹守後更任松

平定綱為左軍高木正次青山忠俊水野忠清為右軍總三

萬餘騎又次之大將軍親兵二萬餘騎長槍弓銃整列而出

至角南來謁星田營先是諸將前後相繼而發第一藤堂高虎第二井伊直孝第三榑原康勝小笠原秀政其子信濃守

忠脩大學助忠政忠脩留守松本城而潛來大阪詳于下文忠政後叙從四位下任侍從右近將監更

名忠真領豐前小倉十五萬石保科正光仙石忠政諏訪賴水丹羽長重成田左馬助藤田忠季為左軍松平康重水谷勝隆相馬利胤

六鄉政乘稻垣重種為右軍第四酒井家次松平忠良松平信吉牧野忠成松平左近將監成重第五本多忠朝真田信

吉秋田實季淺野長重松下重綱植村康明第六越前少將忠直兵二萬餘騎第七松平利光兵三萬餘騎皆經河內至



大阪神祖下令曰。聞大阪城兵幾十四五萬。我軍四面圍繞。則敵必一志決戰。死亡互多。我不忍之。宜圍城三面。關天滿口。以開生路。松榮紀事。本書斷之曰。此亦神祖好生之微意也。按圍師必關此兵法也。神祖好生之德。固有之。而兵法亦在其中矣。又按高虎直孝。先是既張陣各所。但松榮紀事叙行軍之次序。故今據之。及城兵戰敗。老弱果由此出走。不知幾千萬矣。浪花戰記。但本書天滿口作京橋。只今從松榮紀事。先是大阪城將又議軍事。大野治長問後藤年房曰。方略何如。年房曰。平原曠野。可與大御所旗鼓相當者。吾未見其人。據險而戰。兵之要道也。以愚料之。東軍必越大和路而來。我以鐵騎據險要。邀半途以迎擊之。可以得志。什七八前軍既破。則後軍必退。而保南都郡山。可因其勢轉化決策。此制

勝之術也。治長然之。言于秀賴。秀賴以年房為大和口大將。冬夏事記。○難波戰記曰。四月晦。後藤又兵衛建議。大野治長然之。然性素矜傲。欲建策以為己功。故不言於秀賴。又兵衛怒。翊日出屯。道明寺。只秀賴聞之。驚遣使召還。又兵衛報曰。死於此地。固臣之分也。秀賴無如之何。乃遣真田左衛門佐。明石掃部。渡邊內藏助。井上小左衛門等為援。德川記慶元記。勝成事記。松榮紀事。皆云。五月五日。又兵衛出兵平野。據冬夏事記。二十六日。城將議軍事。二十八日。又兵衛出屯平野。五月五日。夜半發平野。六日。早旦戰于道明寺。只詳于下文。大和路總督越後少將忠輝。駐軍南都。松平政宗屯郡山。○松榮紀事曰。南都去大阪七里。郡山在南都西。前軍三部。水野勝成。堀直奇。及大和諸將。松倉重正。其子長門守重次。其弟十左衛門重能。藤堂高久。丹羽氏信。桑山貞晴。本多利長。神保相茂。別所孫二郎。秋山右近。多賀左近。奧田忠次。村越三十郎。甲斐莊喜右



伊藤祐太郎刻

衛門山岡景次等景次疑景以之訛說見上為一部本多忠政及伊勢諸

將一柳直盛古田重治分部光嘉菅沼定芳等為一部松平

忠明及美濃諸將織田民部少輔稻葉紀通德永量重遠藤

慶隆西尾忠政等為一部德川記慶元政宗前鋒片倉小十

郎盛重松榮紀事作重綱即景綱也在上一文據勇士一言集

即初從軍其自奧州入江戶至于住驛建鐘紋旗率部兵登

愛岩山祈神誓以大阪之役不立武功則不復歸故鄉竟如

其言名盛重據片倉系圖○冬夏事記曰政宗與小十郎謀

謂監使村瀨左馬助中山勘解由曰小十郎之陣營無水請

就水草便地二人許之小十郎移陣于片山側前溪水而與

松倉豐後守奧田三郎右衛門相並而陣故六日早且得與

敵進至河內陣于圓明寺駒谷政宗逗撓不進故忠輝留在

南都是日晡時水野勝成堀直奇松倉重正其子重次其弟

重能別所孫二郎奧田忠次及監使中山照守村瀨重治上

片山巡察形勢還屯國分勝成事記松榮紀事○勝成事記

出赴片山偵敵大和諸將請從行勝成曰候騎不容衆多唯

許主將一人諸將從之皆單騎從出登片山察形勢諸將皆

曰好戰場須陣于此地勝成曰吾蒙大和口前鋒之命諸將

勿復言既而本多美濃守遣使謂勝成曰卿宜屯片山吾移

屯國分勝成應之曰後軍須守前軍之號令而反指揮前軍

甚不可也孫二郎後守及監使村瀨左馬助固請屯片山

勝成作色曰曷在二條城大御所面命大和諸將如有不用

命者須戮一二人以懲其餘正此謂也節制在我不用喋喋

多言片山之南接藤井寺地形平坦敵出大阪過藤井譽田

從片山之上直擊我兵則必不能支國分距片山不遠中有

田切川地形頗便今夜屯國分自大路經石川原繞出

玉手圓明寺前後夾擊則片山之敵可一舉而殲之勝敗之

機在致敵與致敵於左馬助殿為監使須斷可否其餘諸將

不得容喙中勘解由然之曰日向守殿所言是也勝成喜

曰勘解由殿與吾所見同乃

後藤年房率一萬四千餘兵夜



宮田富太郎刺

半發平野。兵數據難波戰記夜半發平野據冬夏事記與薄田兼相旗鳥昭光井

上時利。山川賢信。北川宣勝。山本左兵衛等。向大和路。真田

信仍渡邊尚伊木遠雄。大谷吉久。明石守重。毛利勝永。小倉

行春。長岡興秋。大野治長。部兵宮田平七等為後拒。○大阪

軍後藤又兵衛兵一萬騎二軍薄田集人正山口左馬助五千餘騎三軍增田兵大夫五千餘騎附以備攻年房

欲乘夜至道明寺口襲我軍。炬火燭天。至藤井寺邊。天將曉。

乃滅炬。水野勝成還營不卸甲。望見炬火。戒諸軍曰。此必敵

出擊不意。宜嚴備之。既而年房之兵迷失道。至古市。○松榮

道明寺去大阪五里古市在道明寺南一里軍士驚懼。年房厲眾曰。前有河水。後

有譽田八幡。此地利於防戰。宜飲馬待敵。眾踴躍而進。水野

勝成。松平忠明。堀直奇。松倉重正。本多忠政。本多利長。桑山

貞晴。神保相茂等。前片山而陣于小泉左右。年房遣謀覘之。

謀不見。大軍在河州國府後。報云東軍不滿三千。年房恃勇

不告諸軍。獨率部兵出陣于片山之松林。六日遲明。年房前

鋒古澤四郎兵衛。山田外記發鳥銃擊我軍。松倉重正馳馬

田路傍山先登。使奧田忠次擊山上敵。忠次不從。直冒片山

之險而進。與年房之前鋒遇。從兵下野道二。岡本加介。冬夏

日與田三郎右衛門僅領三千石養客兵有名者五人謂諸將曰此戰若使東兵先登則大和將士何面目見人乎竟如

其言○先臣佐宗淳曰道二舊稱阿波伊兵衛始仕加藤清正後仕澤廣高致仕居南都稱下野道二加介關白秀

次舊臣為僑人居南都至是皆屬奧田忠次戰死神子田四郎兵衛等十七人皆戰



死。忠次憤激而進。竟中鉛死。水野勝成進兵擊山上敵。敵兵下山。戰于田間。兩軍格鬪。勝敗未決。松倉重正經片山之北。與年房左軍鬪。父子力戰。獲級。松倉重能傷隻眼。猶能健鬪。藤堂高久。天野半之介。可古善鬪。凡獲三十餘級。然敵多兵。競擊。重正被圍幾危。從兵來救。僅免。堀直奇在第二軍。揮槍馳突。部兵皆殊死戰。德川記慶元記。冬夏事記。松榮紀事。按道明寺口之戰。難波戰記。頗有異同。今從上諸書。松平忠明陣于片山之東。進兵山下。覘形勢。敵兵發銃。忠明從兵。山田十郎兵衛。菅沼七郎右衛門。揮槍力戰。死之。與平金彌。川北權兵衛。突戰獲級。衆兵奮擊。斬三十餘級。松平忠明行狀。松榮紀事。○山本義安碑曰。五日本野勝成。張陣國分。松倉重正乘夜渡大和川。進先諸軍八町。本

日未明。重正先鋒進登高井田之堤。大阪前軍在道明寺林。端。重正馳馬望之。麾從軍上片山。敵將後藤又兵衛率騎卒。四五千人。出玉手登山。重正勵士卒諭之曰。此山短松叢生。不便馳驅。山麓有路。汝等見敵軍半登而衆皆下山。從麓直突。麾下則既登之兵。不能救之。我軍僅雖千餘人。可與敵之半軍相當。彼麾下軍敗。則前軍既登者。皆不戰而潰耳。我大軍在後。可相踵而進。此必勝之計也。即使從騎田中藤兵衛。宗久馳告勝成。以進。後軍重正分軍為二隊。急襲敵陣。山本義安先登。揮槍獲首第一。忽失槍。望見槍符在敵陣。為恥。馳突陣中。得其槍。還欲謁重正。重正不在陣所。義安以為重正戰死。即欲殉死。棄其首。告藤堂將監。證之。馳入敵陣。遇天野半之助。可古。告以重正不在。可古亦同馳。馬左迴。右旋。會重正。父子戰酣。義安可古亦同奮戰。重正之族生田伊兵衛。池田左兵衛。家長井村助兵衛。重隆戰死。後藤之兵敗走。於是諸軍皆戰。大阪之兵大敗。按片倉盛重進至片山下。前有深沼。架一石橋。水野勝成騎而先渡。中山照守次之。勝成子美作守勝重次之。村瀨重治又次之。本多利長前鋒。先於石





橋可三町。敵兵擊走之。勝成父子照守重治據石橋。揮槍卻敵。勝成事記。本多利長時十六歲。是部兵走大怒。與伯父外記。進鬪斬敵部兵亦還鬪。難波戰記。後藤年房麾下兵纔四五十騎。陣于片山半腹。松平忠明登山踰嶺。松平政宗遶山麓而西。年房三面受圍。知不可免。謂從兵曰。不欲死者。速還城中。從兵皆誓以死。年房下山。馳而出廣衍之地。突戰。東兵爭進擊之。斬古澤四郎兵衛以下數輩。片倉盛重部兵放銃洞年房之胷。年房重創而死。時年四十六。難波戰記曰。又兵衛中門曰。勿使敵獲吾首。宜藏深泥中。武右衛門如其言。故時人莫知其死者。冬夏事記。作金方平右衛門。創業記。駿府記。德川記。松榮紀。事皆云。又兵衛中。鉛死。但德川記曰。不知其實。慶元記曰。又兵衛遁戰場。匿紀州山中。難波戰記亦載一說。

云然。諸說紛紜。相傳他年黑田長政之士。遇年房於山中。蓋其實不死也。年房前鋒山田外記以下。聞年房死。悉敗走。至道明寺西藤井寺邊。楨島昭光父子還鬪。又走。明石守重。長岡興秋。小倉行春。北川宣勝等。不戰而走。山本左兵衛戰死。冬夏事記。薄田兼相。井上時利。山川賢信。

增田宗重等。銳氣不衰。進與我軍戰。秋山右近戰死。水野勝成頻放銃攻之。揮槍力戰。丹羽氏信勁騎三百。橫擊敵軍。敗之。勝成氏信逐北。至譽田。又大戰。菅沼定芳之兵。菅沼權右衛門。斬井上時利。獲其級。敵敗走。難波戰記曰。德永量重。遠而退。稻葉紀通。西尾忠政。繼之。與增田兵大夫井上小左衛門之兵戰。斬兵大夫小左衛門。紀通忠政之兵亦多死。本多忠政。松平忠明以下。東軍悉力拒戰。兼相及楨島玄蕃頭父子。山川帶刀等。敗走。猶有衆一萬五千。陣于譽田八幡山水。



木部德太郎刻

野勝成與玄蕃頭接槍遂敗之與此異據菅沼系圖斬井上時利者菅沼權右衛門也又按德川記冬夏事記增田宗重戰死平野在下文今從勝成事記冬夏事記松榮紀事薄田兼相狀貌魁偉膂力邁人恥去年失博勞淵決戰必死縱橫馳突片倉盛重與戰獲二十八級盛重兵亦多死兼相揮大刀斬七八騎竟戰死松榮紀事曰斬十數人難波戰記曰可十騎今從德川記水野勝成之兵河村新八郎獲其首松平政宗之軍連放八千銃殘兵悉潰走德川記慶元記難波戰記松榮紀事○冬夏事記曰水野日向守之士河村新八與薄田隼人相搏中川島之助寺島助九郎二人來救助九郎獲隼人首新八近習而有寵于日向守故日向守為新八之功助九郎憾之朔日戰死是日詰旦大將軍以久貝忠三郎高木廣正為使言于神祖曰城兵出矢尾久寶寺藤堂和泉守井伊掃部頭將接戰故大將軍既發伏見神祖

曰敵兵出城戰勝之兆也登時發星田至平岡難波戰記近臣進鎧神祖曰討豎子何用鎧為遂却之創業記水野勝成遣使行營上所獲首級神祖名使面褒其功其餘諸將亦各上級冬夏事記是曉城將木村重成率叔父主計頭難波戰記名宗明德川記作宗重未知孰是及山口弘定增田宗重○按兵大夫宗重五年關原亂平與父長盛幽于武州巖築勇士一言集曰宗重仕麾下去年冬從軍聞大阪城兵勝則喜聞負則憂監使白其狀神祖曰欲入城則任彼意宗重悅入城秀賴大賞之浪花戰記亦曰仕在駿府被命入城內藤政勝等一萬餘騎冬夏事記曰四千七百人若江合戰記曰七百餘騎皆舉重成部下兵數也難波戰記曰二萬餘騎此舉總數也今從松榮紀事○冬夏事記曰內藤新十郎時二十一歲秀賴登庸將一千餘兵南出向道明寺口聞銃炮望烟塵知道明寺戰酣後期轉而向若江長曾我部盛親五千



餘騎冬夏事記曰以威親及真野藏人入道宗信五百餘人為援軍今從松榮紀事○冬夏事記曰本多豐後守宮城丹後守石河伊豆守時田權之助藤堂但馬守蒙命警衛麾下出角南陣于高安里四條暇望西則木村長門守兵可一萬出城向道明寺豐後守謂諸將曰彼可擊而取也其氣勇銳諸將未應軍監本多縫殿頭謂豐後守曰子何發言之容易我輩警衛麾下非與敵戰者違令不可豐後守不聽進旌旗于西縫殿頭擁其前曰彼向道明寺非敵我者而欲與之戰戰而得勝猶可也以寡兵擊多眾為彼所敗則警備亦空而取笑於天下矣眾皆然之豐後守遂止翊日岡山之戰諸將皆有功士卒喜曰昨日作無用之戰則今日不得有此功此縫殿頭殿之力也兩御所聞之善縫殿頭之言出向矢尾藤堂高虎曉發千塚詣行營受號令還千塚將趨道明寺口其間有大和川三道相去三十餘町一道在矢尾久寶寺之間○渡邊誰庵自記松榮紀事曰千塚去城兵循矢尾堤連綴三十餘町高虎前軍三隊藤堂高則將左軍桑名

一孝舊長曾我部威親之將在上文慶長五年威親敗亡事高虎藤堂宮內渡邊掃部等從之藤堂良勝將右軍藤堂玄蕃良重藤堂勘解由氏勝田中內藏允友田左近右衛門從之渡邊了將中軍了見重成之兵馳使高虎之陣告之止左右二軍使不得進高虎怒遣使責了曰何故止之了馳至高虎之陣曰此地水田不利戰鬪須至南方道明寺交戰高虎然之召還前軍率本軍由飯盛大路南行了登小阜望敵又馳謂高虎曰南行之敵忽轉東向是欲橫衝我軍也然此地不可置陣西有橫堤去此幾十町有田間道路四宜由此路至堤整列見幾決戰高虎許之左軍將藤堂高則桑名一孝等向矢尾右軍將藤堂良勝



藤堂良重等相繼而進了。以高虎之命謂高則良勝曰。宜至西堤而止。皆為不聞。過堤西而行。其餘二道之兵亦同進了。見之怒其違令。然無如之何。田路湫隘。左右皆深泥。不得並騎。高則良勝等無復陣列。星散二三騎。長曾我部盛親伏兵矢尾堤下出擊之。我軍大敗。高則一孝宮內掃部山岡兵部重成以下皆戰死。良勝良重氏勝等過玉造堤。至西郡萱振村。與木村重成之本軍戰。據德川記慶元記冬夏事記重成前軍出若江與井伊直孝相當故良勝等與本軍戰。澤田但馬先放鳥銃。其子平大夫獲級第一。難波戰記藤堂式部挺眾善鬪。右軍凡獲二百餘級。然敵兵拒戰。我兵死者六十餘人。良勝良重內藏允左近右衛門皆力戰而死。

氏勝大呼奮勇血戰亦死。高虎左右軍將以下老臣宿將多戰死。從兵死者二百六十餘人。高虎行狀左右二軍戰死各三十餘人家忠日記作七十餘人合左右二軍而書之是也松榮紀事作三十餘人偏舉一軍非事實也按左右二軍與盛親重成戰于各處故諸書所記不同慶元記難波戰記二百餘人蓋舉其總數冬夏事記曰甲士六十三騎步卒二百餘人今從之○難波戰記曰高虎聞渡邊了之名為家老寵遇殊渥老臣等皆嫉之曰吾輩戰功不可勝計今寵勸兵衛一人似復無人及大阪兵興藤堂新七饗仁右衛門宮內玄蕃勸解由等八九人停酒杯謂之曰吾欲先人而戰死皆曰可吾輩亦與子同死獨勸解由不聽曰何發此不忠之言將校皆死有誰擁護主君乎新七哂曰擁護主君勸兵衛一人足矣其餘不足復用乃擬酒盃於勸解由勸解由不復辭引滿誓同死至是皆戰死了與高則良勝等不相協故見其敗死終不救之。二軍殘兵棄旗旌向矢尾東而走了見之進馬橫擊盛親之軍破之獲二十餘級了子長兵衛先於父。



與敵戰于矢尾西堤。斬敵二人。欲出矢尾河原而敵邀之。繞出盛親本軍之南。得入矢尾民家。了欲出河原與本軍戰於久寶寺。然敵據形勝。兵寡不得戰。陣于東堤下。數遣使高虎之陣。請進兵。高虎銜其不救。高則良勝等。終不進。慶元記曰。高虎奉神祖之命。曉發千塚。向道明寺口。而木村重成出兵。故不得已。從渡邊了之言。與長曾我部盛親戰。然畏其違令。故不敢進。冬夏事記曰。此時高虎自馳至行營。馬上呼曰。請亟進馬。言未畢。橫田甚右衛門大聲曰。何等癡物。敢請進馬。壯士宜出逐之。高虎無語而還。神祖召畠山入庵。曰。東兵閑於戎事。發言可聽。入庵對曰。非甚右衛門。不能發此言。併附備考。麾下壯士。不待高虎之命。往往來前。長兵衛亦來于此。可三百騎。了兵稍振。盛親追擊殘兵東向去。了大發喊追之。盛親還軍。戰於矢尾村中。敵兵皆疲。盛親指揮厲之。兵復振。了微

退。接戰數回。盛親不能支。引兵退於久寶寺村。了追擊之。敵兵潰走。自平野而北二十餘町。了尾擊獲三百餘級。增田宗重戰死平野。難波戰記曰。高虎之兵淺野平三郎獲其首。盛親僅脫入城。了扼平野。高虎馳使凡七。使了縱火矢尾地藏堂。引兵去了。亦馳使言曰。臣數與盛親鬪。未嘗敗衄。請速進馬。斬盛親。在臣掌握中矣。高虎大怒。罵之曰。汝遁死地而放言。不用命而恣睢。罪不容誅。可亟引去了。固守平野不去。既而大將軍監使小澤忠重。永井白元。來傳命守平野。慶元記永井白元作本多正重。今從難波戰記冬夏事記。了謂二人曰。道明寺敗兵。將走入城。邀其前路。則不使一人生還。明日之戰。摧陷甚易。天下安危。在此一舉。臣非敢貪私



功正憂公事耳。藤堂仁右衛門。桑名彌次兵衛等。盲將不知兵。浪戰而死。和泉守深惜之。而極口詆呵。不用臣言。請勸和泉守速進旌旗。二人然之。回馬告高虎。高虎不聽。德川記難波戰記冬

夏事記渡邊 道明寺之敗兵。果至平野。時了有兵八百餘。發銃擊之。敗兵駭走。高虎又遣使督促。了對曰。臣既扼平野。賜兵則南馳邀之。敗兵不得入城。遁至界住吉。真田毛利亦進退失據矣。高虎終不許。了不得已。抵暮縱火平野。収兵去。時人皆議高虎以私忿而失大利。德川記慶元記並曰高虎陣為我軍走至平野高虎之兵欲擊之敵駭走入城今從冬夏事記 高虎朝間所獲二百餘級。總五百六十餘級。上之平岡。神祖褒之。家忠日記德川記慶元記難波戰記渡邊

誰庵自記。按大阪首帳高虎所獲八百六十四級。蓋舉前後總數也。○松榮紀事曰。初盛親出兵。有騎五千。及敗還。僅存三百。按高虎所斬五百六十餘級。木村重成之兵亦在其中。然則盛親之兵死亡幾四千七百人。必不應至如此之多。故今闕疑。高虎引兵屯矢尾村。德川記慶元記 木村重成前鋒山口弘定等。黎明至矢尾堤。向若江。并伊直孝距若江五十町。陣于樂音寺村。前鋒庵原助右衛門一千餘騎。及山口重政其子伊豆守重信。與重成戰於若江。重成使平塚五郎兵衛指揮士卒。若江合戰記按先是重信欲入大阪城為刺客本多正信土井利勝寄書止之志不能遂事在上文重政聞大阪再亂與子重信來屬直孝之陣副前鋒○冬夏事記曰平塚五郎兵衛因幡守為廣之姪也去年冬有戰功故秀賴授麾為長門 隔堤頻發鳥銃。直孝之兵竝進爭先。重政諭曰。敵軍未進而我兵爭競。則死傷必多。不如整列放銃。乘勢擊之。



衆不聽。重政父子先衆登堤。與敵接槍。重信先獲首級。鷲峰文集

山口重政碑銘。庵原助右衛門見幾進兵。遂奪堤據之。冬夏事記。先是河

野權右衛門通重。皆川志摩守隆庸。山城守廣照子。並蒙譴屏居。二

人潛來。從直孝之軍。通重健鬪。得級第一。隆庸亦有斬獲之

功。神祖褒之。釋二人之罪。難波戰記。松榮紀事。隆庸釋罪。據慶元記。

臣按。東鑑。安東忠家忤北條義時。屏居駿河。承久之變。義

時之子泰時將兵犯京師。軍至駿河。忠家出請從軍。泰時

不許。曰。子負罪而即戎事。殆將不可。忠家曰。平居無事之

日。宜重憲綱。今爲就死而來。何憚之有。竟從行。小宮山內

膳之死難。臣既引本間山城左衛門之事。論之於前。難波

之役。河野權右衛門。皆川隆庸。蒙譴從軍。各著戰功。其餘  
隨事而書。班班可考。皆可謂有志之士而忠家之流也。

重成。選長屋平大夫。河崎和泉。佐久間藏人。牟禮彦三郎等。

難波戰記。彦三郎作孫兵衛。今從德川記。慶元記。冬夏事記。蓋一人而更稱也。銳兵二百餘騎突戰。

直孝旗奉行。孕石豐前。松榮紀事。作源右衛門。蓋初稱也。宰臣川手主水成

次。難波戰記。作主稅誤。初稱忠太郎。松平石見守。康安第三子。養於川手主水。襲稱主水。○冬夏事記曰。去年冬之戰。

主水有故。大罵掃部頭。決志必死。今夏入京師。與石見守。永訣。乞良馬而出。兄志麾守送之。曰。勿忘去年之言。主水曰。安

敢忘。遂戰死。大草松平系圖。日。時年二十八。神祖甚惜之。廣瀨左馬以下知名之士。三十

餘人。及山口重信皆戰死。直孝進兵。秉旄厲衆曰。敵兵不多。

又無後繼。宜急擊。大軍齊奮。皆殊死戰。重成兵疲。不能敵於



新兵悉敗走飯島三郎右衛門諫重成曰右府之事不止今日請還城以圖後舉

冬夏事記曰青木四郎左衛門早川茂大夫擊重成使退今從若江合戰記本

書曰三郎右衛門善射殺數人重成乘勢敗直孝前鋒去年志貴野之戰亦射我軍有功秀賴賞之重成曰

吾自出城誓以必死縱全生以立功不如報恩於地下遂進

力戰奮勇而死時年二十三或云二十五時人莫不惜其忠烈安

藤長三郎獲其首冬夏事記曰庵原助右衛門以十字槍

將取首安藤長三郎來謂助右衛門曰吾今日未獲級願賜

之助右衛門曰子尚年少其志可嘉此木村長門守之首也

吾得之不足以為功大阪城陷在旦夕之中則他日難得如此好首級遂授之以為長三郎之功山口弘定

內藤政勝佐久間藏人冬夏事記作真野藏人入道宗信誤

宗信七日自殺在下文今從難波戰

紀事河崎和泉波多野兵庫牟禮彦三郎村上十大夫篠

岡右京大塚勘右衛門松浦左吉黑木藤七郎青木四郎左

衛門早川茂大夫山口知德院及平塚為廣二子皆戰死城

中驍勇之士至是多死八田金十郎獲弘定首日下部源太

郎獲政勝首正木舍人獲藏人首直孝凡獲三百十五級駿

記家忠日記德川記慶元記松榮紀事但駿府記十五作五

十今從難波戰記大阪首帳為廣二子戰死據松榮紀事難

波戰記冬夏事記戰死之士有平塚熊之助蓋其一也○難

波戰記曰直孝之兵河野六兵衛戶渡太郎右衛門丸山八

郎左衛門成島彦右衛門齊藤市之允內山五郎左衛門藤

田四郎左衛門岡部總右衛門石黑傳左衛門戰功尤著世

謂之十本鎗按十本槍闕一人近藤季用獲十級禽長屋平

一本戰記亦云然今無所考定大夫青木七左衛門冬夏事記○本書曰若江戰敗二人欲

混佐和山之兵而脫去以甲色異被虞神祖聞城兵出遣久世廣宣阪部廣勝本多正重於高虎直



孝之陣。乘機擊之。親將兵至角南。三使未至。戰已畢。駿府記家忠日

記高虎直孝上重成弘定政勝之首於平岡。神祖在塗。停輿

覽之。○難波戰記曰。重成期必死。燒奇楠香薰髮。故其首發

壯士也。或曰長門守不判月額。可見不必期死也。神祖命取

其胃。使檢忍緒。結緒截之。示其不再戴胃。乃知其決志赴死。

人皆服神祖之山口弘定重成之妹夫而與松平正綱為姻

戚。故正綱乞得其首。神祖許之。難波戰記。木村主計頭率三

冬夏事記百餘兵。陣于山田村。距若江北可六七町。柚原康勝。小笠原

秀政。隔冰而陣。秀政欲進擊之。監使藤田忠季止之曰。此深

沼也。不可渡。涉必陷。康勝之兵直進而涉。水淺無泥淖。前鋒

村上彌右衛門。原田權左衛門。先登陷陣。中根善右衛門。戰

功為最。康勝厲眾奮擊。大破之。獲七十八級。主計頭還戰。終

不能敵。引兵入城。秀政聞康勝之捷。甚恥之。家忠日記。難波

記。康勝涉冰。據松榮紀事。○冬夏事記曰。康勝欲擊主計頭。

能登守止之。曰。佐和山之兵。部伍不整。必為所敗。敵乘勝而

來。我橫擊之。可以制勝。康勝之宰伊藤忠兵衛從之。不許出

戰。既而掃部頭得大捷。主計頭亦敗走。康勝之兵皆憤。忠兵

衛恥之。翊日戰死。忠兵衛之子內記。訴于兩御所。故遂能登

守。與此異。按秀政恥不得戰。翊日戰死于天王寺。口事實明

白。冬夏事記。蓋傳聞日既過午。總督忠輝方至片山戰場。敵

兵悉引去。眾皆憤。其後於戰期。將校花井主水。皆川老圃等。

山城守廣照。剃髮號老圃。神祖嘗使廣照子養忠輝。故今從軍。勸忠輝與大阪後軍戰。忠輝

不聽。名玉蟲對馬。林平之丞。問其可否。難波戰記曰。對馬武

弟平之丞嘗事堀秀政。二人對曰。日既西傾。敵請地形。

老於戎事。故忠輝召為臣。二人對曰。日既西傾。敵請地形。



我不能審。接戰入夜則必取敗。不如明日攻城鏖戰。驚人耳目。忠輝然之。按兵不進。明日城陷。又不能赴期。坐擁大軍。終無一人見大阪之旌旗者。神祖忿恚。忠輝由是得罪。松榮紀事曰日

午忠輝率大兵而至。即趣松平政宗進兵擊敵。政宗曰。我軍力戰數合。兵馬皆疲。且地近敵城。日亦向哺。接戰入夜。必將見敗。不可妄動。兵馬故忠輝不進。一說載玉蟲對馬林平之丞之語。與德川記慶元記難波戰記。冬夏事記合。今從之。

大阪後軍毛利勝永。小倉行春。大野治房。其弟道見。有兵二萬五千。見前軍敗。與松平政宗合戰。政宗進兵於譽田廟前。發數千銃擊之。敵不能支。會大野治長。渡邊尚真。田信仍。率兵三萬繼至。敵兵又振。松榮紀事既而欲收兵還城。真田信仍為後拒。政宗前鋒片倉盛重以輕兵挑戰。信仍還戰。進退數四。

兩軍死者數百人。松平信濃守定真力戰獲級。定真戰功諸書所不載。冬

夏事記曰。大御所猶子松平信濃守。來自麾下。力戰。據久松系圖。松平隱岐守定勝第四子。定真。任信濃守。為長島城主。定勝神祖異父同母弟也。故以其子準姪渡邊尚代。信仍而戰。手斬我兵二騎。傷

而退。信仍又代尚而戰。銳兵死者二十餘人。信仍亦傷。然猶殊死戰。小倉行春代之。以鐵騎六百悉力決戰。盛重戰疲。兩軍交綏。相距七八町。本多忠政與城兵對陣。一柳直盛在忠輝部下。見敵陣旌旗動搖。馳至忠政之陣。謂曰。城兵將退。擊之必勝。忠政曰。我亦欲戰。然眾寡不敵。為之奈何。直盛曰。然則乞援政宗。忠政然之。遣使政宗之陣。水野勝成亦勸政宗進兵。政宗辭曰。我前鋒自卯至午力戰。士馬皆疲。不能復戰。



宜乞接於越後少將乃遣使忠輝之陣忠輝拒之曰非有兩  
 御所之命則不得進兵直盛謂忠政曰敵有潰走之形今急  
 擊之則可一以當百請我先登卿宜繼進遂巡間敵將昏議  
 日將晡不如班師真田信仍縱火近邑民屋乘其煙燄殿而  
 去直盛勝成皆憤惋難波戰記曰大阪後軍真田左衛門佐  
 毛利豐前守伊木七郎右衛門等兵二  
 萬見後藤又兵衛戰敗欲全軍而還左衛門佐徐引兵退前  
 軍敗兵見真田之旗幟稍稍來集松平政宗之兵追擊真田  
 真田還戰別隊將小倉作左衛門合軍馳突敵乘其機鳴鼓  
 進攻北川二郎兵衛丹羽河內守亦來戰橫擊政宗之軍前  
 鋒敗走敵兵尾擊之政宗大軍整陣列銳擊之渡邊內藏助  
 被創而退前田主水南部左門山川帶刀北川二郎兵衛等  
 銳志挑戰東軍諸將疑政宗有貳心猶豫不進政宗前鋒亦  
 多死傷故不進戰兩軍相持移時日既晡大阪將佐分軍為  
 三左衛門佐為殿日暮入城德川記曰薄田井上戰死敵兵  
 敗走楨島玄蕃父子張陣擊我軍乘勢而退後藤之後軍明

石長岡山川小倉北川等戰敗來走真田毛利伊木渡邊大  
 谷及大野治長之部兵堅陣不動東軍諸將軍議不一察機  
 移時敵兵皆引去慶元記曰真田左衛門佐渡邊內藏助毛  
 利豐前守大谷大學等當藤井寺前張陣東軍本多美濃守  
 對之左軍德永左馬助使步卒放銃敵兵亦發銃相爭既而  
 叔兵左馬助亦收步卒美濃守又使步卒放銃挑戰敵陣不  
 動美濃守收兵敵陣旗動搖一柳監物馳來美濃守之陣  
 謂曰云云冬夏事記曰真田左衛門佐兵七八千與福島伊  
 豫守之子武藏守渡邊內藏助大谷大學伊木七郎右衛門  
 等進自住吉大路而來毛利豐前守楨島玄蕃頭先左衛門  
 佐而陣于譽田政宗前鋒片倉小十郎石母田大膳與戰而  
 敗走左衛門佐追擊之小十郎還戰左衛門佐戰敗西走七  
 八町內藏助被創政宗率兵追擊左衛門佐隔池為要害整  
 陣擊政宗破之政宗走入譽田街市片倉小十郎真木大藏  
 力戰左衛門佐戰勝叔兵與豐前守合左衛門佐子大助十  
 六歲與東兵相搏獲首級傷股提首來豐前玄蕃大賞之時  
 城中馳使告矢尾若江之敗使亟引兵還左衛門佐豐前守  
 將還東軍自道明寺河原西至譽田敵兵自譽田之西至藤  
 井寺前張陣相持一柳監物管沼綴部列步卒發銃左衛門  
 佐亦使發銃互爭政宗與小臣二三人騎而來于水野日向



守之陣。監物織部請戰。日向守謂政宗曰。擊破豐前守甚易。真田陣于其南。橫擊。邀後。則我兵無生路。御須出兵。備真田。則我擊豐前。走之。政宗辭曰。我兵今朝大戰。頗多死傷。不得復戰。歸其營。日向守曰。然則我與松平下總守。本多美濃守。合軍擊之。使監使中山勘解由。告二人。下總守從之。美濃守依違不決。晡時。左衛門佐豐前守。放火。退軍。平野按東軍。威大。諸書各據諸將所對而書之。故雖所記不同。而其要一也。慶元記。松榮紀。事頗與水野勝成事記合。今從之。監使又令諸軍曰。今日之戰。藤堂高虎。井伊直孝。兵皆疲勞。明日前鋒。天王寺口。命越前少將。岡山口。命松平筑前守。德川記。慶元記。是夕。忠直遣其宰本多富正。本多成重。於平岡。稟明日之軍令。德川記。慶元記。冬。夏。事記。並云。是夕。神祖陣于千塚。大將軍陣于道明寺側。據駿府記。神祖大將軍在平岡。未嘗移陣。今從之。神祖召二人。謂曰。旦日之戰。井伊掃部頭。藤堂和泉守。榊原遠江守。皆力戰建勳。越前之兵。何其懈耶。明日前鋒。既

命松平筑前守。富正成重。惶恐而出。歸報忠直。忠直大慚恚。期以必死。吉田修理。關原記。大全曰。修理內記。長英第二子。初稱石橋彥四郎。事織田信雄。後事關白秀次。白忠直曰。臣嘗事關白秀次。能諳大阪之地形。願以前鋒。命臣。忠直許之。乃秣馬蓐食。以赴戰期。難波戰記。松榮紀。事。○冬。夏。事記曰。五日。忠直。御陣于四條。暇。終夜飲宴。六日。朝宿醒。未解。道明寺。矢尾。若江。雖去營甚近。而不知其戰。故神祖怒之。

松井甲太郎書







宮田六左衛門刻

浪花町十九番地

木邨嘉孝弟子  
同 一 拈

木邨德太郎 二枚

神田旅籠町二丁目三番地

竹口瀧三郎 六枚

吳服町十二番地

宮田六左衛門 二枚

小石川同心町二十六番地

宮田六左衛門弟子

宮田銀三郎 一枚

吳服町十二番地

宮田六左衛門習中弟子

宮田音次郎 一枚

西久保廣町十六番地

宮田元次郎在留弟子  
宮田六左衛門拈

宮田富太郎 一枚



